

## **1. ЖАЛПЫ ЕРЕЖЕЛЕР**

1.1. «Антиплагиат» жүйесін пайдалана отырып бакалаврлардың дипломдық жұмыстары мен магистерлік диссертацияларды білім алушының өзі орындағанын тексеру туралы ереже (бұдан әрі - Ереже) оқу үрдісінің тиімділігін арттыру мен ұйымдастырудың сапасын көтеру үшін білім алушылардың дипломдық жұмыстары мен магистрлік диссертацияларын дербес орындауын бақылау, сондай-ақ білім алушылардың өзіндік тәртіп деңгейін арттыру және зияткерлік меншік құқығын сақтау мақсатында әзірленді.

1.2. Ереже Абай атындағы Қазақ ұлттық педагогикалық университетінде (бұдан әрі - Абай атындағы ҚазҰПУ) «Антиплагиат» жүйесін пайдалану тәртібін, жұмысқа қойылатын талаптарды, білім алушының жауапкершілігін айқындайды, сондай-ақ тиісті тәртіп бұзушылықтар анықталған жағдайда оқытушылар мен университет әкімшілігінің әрекеттерін реттейді.

1.3. Бұл ережедегі плагиат деп дипломдық жұмыстар мен магистрлік диссертациялардың өздігінен орындалмауы, яғни қағаз немесе электрондық тасымалдағышта жарияланған, дереккөзге сілтеме жасалмаған немесе алынған сілтемелердің көлемі мен сипаты жұмыстың немесе оның қандайда да бір бөлімінің дербес орындалғанына күмән келтіретін өзге мәтін пайдалану деп түснү қажет.

1.4. Плагиаттың түрлері ретінде келесілер танылады:

- негізгі мәтінді сөзбе-сөз жазып баяндау;
- парафраза - алынған басқа біреудің мәтіннің мазмұнын өзгертпей, сөздер мен сөйлемдерді ауыстыра отырып, өз мәтіні ретінде баяндап жазу.

1.5. Плагиат жұмыс үшін терісбаға қою немесе дипломдық жұмысты немесе диссертацияны қорғауға жіберуден бас тарту үшін негіз бола отырып, жазбаша жұмысты дербес орындамау ретінде білім алушының оқу тәртібін бұзуы деп қарастырылады.

1.6. Білім алушылардың дипломдық жұмыстарының немесе диссертацияларының дербес орындауын бақылауды жүзеге асыру мақсатында көрсетілген жұмыстардағы мәліметтерді пайдалану деңгейін анықтауға мүмкіндік беретін «Антиплагиат» жүйесі қолданылады.

1.7. Білім алушылардың барлық жазбаша жұмыстары ғылыми жетекшінің басшылығымен өз бетінше орындалады.

## **2. «АНТИПЛАГИАТ» ЖҮЙЕСІН ПАЙДАЛАНУ ТӘРТІБІ**

2.1. Бакалаврлардың дипломдық жұмыстар мен магистрлік диссертациялар «Шапағат» студенттерге цифрлы қызмет көрсету орталығына (бұдан әрі – «Шапағат» орталығы) ұсынған жұмысты «Антиплагиат» жүйесі арқылы тексерілетіндігі туралы фактісімен танысқандағы, тиісті сілтемелермен бекітілмеген баспа және электрондық көздерден мәліметтердің пайдаланылмағаны және плагиат табылған жағдайда мүмкін болатын санкциялар туралы хабардар екендігін растайтын қалыпты үлгі бойынша (№1 қосымша) жазбаша өтінішпен бірге қабылданатын жұмыстың электрондық нұсқасы тексеруге ұсынылады. «Антиплагиатқа» тексеру алдында дипломдық жұмыстың және магистрлік диссертацияның әрбір беті ғылыми жетекшінің қолымен расталады.

2.2. Өтініштің немесе электрондық нұсқаның (дискінің) болмауы автоматты түрде дипломдық жұмысты немесе магистрлік диссертацияны алдын ала қорғауға және кейінгі қорғауға жіберілмеуіне әкеп соғады.

2.3. Плагиатқа тексерілгеннен кейін дипломдық жұмыстарды немесе магистрлік диссертацияларды көпшілік алдында қорғауға жіберу қабылданған тәртіпке сәйкес жүзеге асырылады, жазбаша жұмысты плагиатқа тексерілгендігі туралы есеп басып шығарылады және «Шапағат» орталығы директорының қолы әрі осы Орталықтың мөрімен куәландырылады. Содан кейін есеп жұмыс мәтініне қоса беріледі. Оң нәтижелері білім алушылардың қорытынды бағасын қою кезінде ескеріледі.

2.4. Жұмыс қорғалғаннан кейін білім алушының өтініші, жұмыстың қағазға басып шығарылған нұсқасы және «Антиплагиат» жүйесіндегі тексерілгендігі туралы есебі бітіруші кафедрада сақталады және негізгі жұмыспен бірге университеттің мұрағатына тапсырылады.

### **3. ТАРАПТАРДЫҢ МІНДЕТТЕРІ ЖӘНЕ ЖҰМЫСТЫ ҚОРҒАУҒА ЖІБЕРУ ТУРАЛЫ ШЕШІМ ҚАБЫЛДАУ**

3.1. Білім алушы ғылыми жетекшімен бірге өзінің дипломдық жұмысының немесе магистрлік диссертациясының «Антиплагиат» жүйесіне тексеруге белгіленген мерзімде берілуіне жауапты болады.

Тексеру нәтижелері алдын ала қорғалуға ұсынылады және мемлекеттік аттестаттау комиссиясының жұмысының басталғаны немесе диссертацияны қорғағанға дейін 30 күн бұрын, кешіктірмей кафедра меңгерушісіне және рецензентке берілетін жұмысқа қоса беріледі. «Антиплагиатқа» тексеруден өтпеген студент-бакалавр немесе магистрант алдын ала қорғауға және кейінгі қорғауға жіберілмейді.

3.2. Осы Ережемен алдын ала қорғауға және кейінгі қорғауға жіберілуі үшін жұмысқа рұқсат беруді қарау кезінде дипломдық жұмыстың немесе магистрлік диссертациялардың түпнұсқалығына қойылатын ең аз талаптар келесідей белгіленеді:

- магистранттың диссертациясы үшін - 70%;
- бакалаврдың дипломдық жұмысы үшін - 60%.

3.3. Дипломдық жұмыстар немесе диссертациялар сапасы нашар болған жағдайда білім алушылар тарапынан міндетті түрде белгіленген жұмыстың бұрын бекітілген тақырыбын сақтай отырып қайта өңделуі, мемлекеттік аттестаттау комиссиясының жұмысы басталғанға дейін 14 күн бұрын плагиатқа қайта тексеруге ұсынылуы тиіс.

3.4. Білім алушы жұмысын екінші рет қайта тексеруден өткізгеннен кейін плагиатты жоймаған немесе түрлі себептерге байланысты белгіленген мерзімде плагиатты жоюға қабілетсіз болған жағдайда, ағымдағы оқу жылында қорғауға жіберілмейді.

3.5. «Шапағат» орталығынан қайта тексерістен өткеннен кейін 30% (магистрант) немесе 40%-дан астам (бакалавр) плагиат болған жағдайда білім алушы ағымдағы жылда оқу жоспарын орындамаған болып саналады және университеттен шығарылады. Бұл жағдайда дипломдық жұмыс немесе диссертация қайта өңдеуге жіберіледі және қорғау уақыты басқа кезеңге ауыстырылады.

### **4. ҚОРЫТЫНДЫ ЕРЕЖЕЛЕР**

4.1. Осы Ереже университет ректоры бекіткен күннен бастап күшіне енеді.

4.2. Осы Ережеге өзгерістер мен толықтырулар оқу жылында бір рет жүзеге асырылады.

**ЖАЗБАША ЖҰМЫСТЫҢ ДЕРБЕСТІГІ ТУРАЛЫ ЕСЕП  
(ЖАЗБА ЖҰМЫСЫНЫҢ ТҮРІ)**

Мен, \_\_\_\_\_  
(Аты-жөні)

(бакалавриат / бакалавриат) \_\_\_\_\_ мамандықтың \_\_\_\_\_ курсы студенті (бакалавриат немесе магистр дәрежесі) \_\_\_\_\_

«\_\_\_\_\_»  
(жұмыс атауы)

тақырыбындағы дипломдық/диссертациялық жұмысымда плагиат элементтері жоқ. Баспа және электронды дереккөздерден, сондай-ақ бұрын қорғалған кандидаттық диссертациялардың немесе магистрлік диссертациялардың барлығы сәйкесінше сілтемелерге ие. Мен Абай атындағы ҚазҰПУ-да жұмыс істейтін «Антиплагиат» (плагиат) жүйесі арқылы дипломдық жұмыстар мен диссертациялардың (жобалардың) электрондық нұсқаларына тексеру жүргізу туралы ережемен және сәйкесінше плагиаттың табылуы дипломдық жұмыс немесе диссертацияны қорғауға жол бермеудің себебі болып табылатындығын, сондай-ақ университеттен шығаруға дейінгі тәртіптік шаралар қолданылатындығымен танысып шықтым.

Қолы, күні